

~~4093~~



*М. Лебедев*

# ЧЕЛЯДЬЛЫ СТИХЪЯС



~~1957~~ 1958 г.

Коми книжной издательство  
• СЫКТЫВКАР •



М. Н. Лебедев

ЧЕЛЯДЬЛЫ  
СТИХЪЯС


~~1957~~ 1958 г.

Коми книжной издательство

• СЫКТЫВКАР •

## О Г Л А В Л Е Н И Е

М. Н. Лебедев . . . . .	5
Коми му . . . . .	11
Колхознӧй сиктын . . . . .	15
Куим друг . . . . .	18
Ванюк . . . . .	22
Школаын . . . . .	23
Велӧдчӧй, челядь . . . . .	25
Вогӧгӧрся олӧм . . . . .	26
Гажа тулыс воис . . . . .	30
Мам и челядь . . . . .	31
Ичӧт нывлӧн сыланкыв . . . . .	32
Мойдӧм . . . . .	33
Сӧркни . . . . .	35
Медся ичӧт зверь . . . . .	37
Зыбкадорса сыланкыв . . . . .	39



М. Н. Лебедев

Зб

## СТИХИ ДЛЯ ДЕТЕЙ

на коми языке

Редактор С. Морозов

Техн. редактор И. Оплеснин

Сдано в набор 23/VII-58 г. Подписано к печати. 10/IX-58 г. Формат 84×108<sup>1/32</sup>=  
0,625 бум. лист. 2,05 печ. лист. (Уч.-изд. лист 1,3). Тираж 2000. Заказ № 2321.  
Ц01393. Коми книжное издательство. Дом печати. Цена 50 коп.

г. Сыктывкар, Республиканская типография Полиграфиздата  
Министерства культуры Коми АССР



Dr. H. H. ...



## М. Н. ЛЕБЕДЕВ

Коми писатель Михаил Николаевич Лебедев чужліс 1877 вося октябрь 10 лунö Межадорын. Бать-мамыс Лебедевлөн вöлöмаöсь рочöсь, Ньючим заводса рабочöйяс пöвстысь петöм йöз. Лыддысьлісны крестьянаöн, но крестьянскöй уджөн эз занимайтчывны: семьяыс оліс бать нажöтка помысь, кодi уджаліс писарөн сельскöй да волостнöй правлениеясын.

Батьыс Лебедевлөн вöлі чорыд характера, частö воліс зыкö начальствокод да öти местаын удж вылын дыр эз вермы кутчысьны. Та вöсна Лебедевлөн семьяыс овліс вель уна местаын. Михаил Лебедевлөн челядьдырся воясыс вöліны гажтöмöсь да сьöкыдöсь. Сэтчö жö, детинка мыкталіс, сылы вöлі зэв сьöкыд сёрнитны. Тайö öтдортіс ас кодь арлыда челядьысь, сьöктöдіс велöдчöмсö. Разнöй местаясын олöмыс отсаліс будущöй писательлы челядьдырсянныс лоны наблюдательнöйön да пытливöйön.

М. Н. Лебедевлы вöлі вит-квaйт арöс, кор сійö кутіс интересуйтчыны книгаясөн. «Пыр вöлі видлала кутшöмсюрö книга да мöвпала: мый сэні гижöма да кыдзи эськö гөгөрвоны книгаысь чукыль-музыкась», — гижліс писатель сійö кад йылысь аслас автобиографияын. И вот сизимöд ар вылö петігөн М. Н. Ле-

бедевӱс батыс пуксьӱдӱс азбука сайӱ. Ачыс писатель-  
ыс гижӱ тайӱ велӱдчӱм йывсьыс тадзи: «Велӱдысьнас  
лоис менам бать. Сылӱн «методыс» вӱлӱ салдатскӱйся-  
ма. Уна и синва ме кисьтлӱ грамота перйигӱн. Батьӱ  
ачыс ошйысьлис, мый приходскӱй школаын бур велӱ-  
дысьяс сийӱс розгаӱн нӱйтӱгтыр велӱдӱсны. Сэтшӱм жӱ  
ногӱн сийӱ зӱлис и менӱ югдӱдны. Во мысти кымын ме  
кутӱ кужны лыддысьны да гижны. Сэки воссисны ме  
водзын книгаяс! Лыддя-лыддя да мӱдысь на ӱтиторсӱ  
лыддя, аслым зӱв долыд, мый грамотнӱйӱн лои».

1886 воын Лебедевӱс сетӱны велӱдчыны Усть-Сы-  
сольскӱй городскӱй училищеӱ. Но во мысти школасӱ  
лои ӱновтны: батьсӱ вӱтлӱсны удж вывсьыс да сийӱ ӱз  
кут вермыны отсавны пиыслы. Тайӱн и помассис бу-  
дущӱй писательлӱн «образованиеыс».

1894 воын Лебедевъяс муӱны овны Кама ю вылӱ,  
Чердын кар дорӱ, Покчаӱ. Но квайт во мысти найӱ  
бӱр воӱны коми муӱ да овмӱдчӱны первойсӱ Нӱбдӱнын,  
а сӱсся вуджӱны Кӱрткерӱсӱ. Танӱ Лебедев олӱ кув-  
тӱдзыс.

Лебедев ичӱтдырсянныс радейтлӱс лыддысьны,  
лыддис уна роч книга. Тайӱ ворсӱс ыджыд роль ли-  
тературнӱй уджӱ босьтчӱмын. Сийӱ заводитӱ гижны  
рассказъяс, повестъяс. Гижис роч кыв вылын. 1900  
воын «Досуг и дело» журналын сылысь печатайтӱсны  
первой рассказ.

Но сэки пыдӱсянь петкӱдлыны олӱмсӱ Лебедев ӱз на  
куж, первой кадколастас писатель весиг ошкис дво-  
рянско-буржуазнӱй строй. Сӱмын 1910 во бӱрын нин  
Лебедев заводитӱ гижны ас гӱгӱрса олӱм йылысь,  
критикуйтӱ чиновникъясӱ, кулакъясӱ, попъясӱ,  
петкӱдлӱ прӱстӱй йӱзӱс, дорйӱ налысь достоинствояс  
(«Фома Лӱкморттов», «В волостном омуте», «Нечаян-  
ный талант» да с. в.). Но и тайӱ произведениеясын  
сийӱ ӱз на сяммы петкӱдлыны сӱкся передӱвӱй йӱзӱс,  
кодъяс тӱждысисны народӱс мездӱм вӱсна. Та йылысь

сійö бöрынджык гижліс, мый Октябрьскöй социалистическöй революцияöдз сійö эз тöд «мый збыль революционностьыс», эз куж правильнöя донъявны олöмсö.

1913 восянь М. Н. Лебедев заводитіс гижны коми кыв вылын. Гижис «Гажа тулыс воис», «Ытшкандыр» да мукöд стихотворениеяс.

Великöй Октябрьскöй социалистическöй революцияöс М. Н. Лебедев приветствуйтис став сьöлöмсяньыс. Октябрьскöй революция сетіс позянлун паськöдны настöящöй литературнöй творчество, Лебедев лои коми сöветскöй поэзия первой паньсыяс лыдын. Сійö активнöя участвуйтö культурнöй да школнöй строительствоын. Революция бöрын М. Н. Лебедев гижö уна произведение, кодъясын петкöдлö выль олöм, кöні абуöсь ни йöзöс нартитысьяс, ни йöзöс увтыртысьяс, петкöдлö вöльнöй удж, выль олöмлысь кыпыд вынсö. Тайö жö кадас писатель творчествоын тöдчана места босьтöны челядьлы гижöм стихотворениеяс, кöні чуксалö челядьöс бурджыка велöдчыны, медым найö лоины выль олöмсö активнöй стрöитысьясöн. Тайö стихотворениеясыс эз воштыны ассьыныс тöдчанлунсö öнöдз.

Велöдчöй, челядь,  
Югдöдöй юр.  
Велöдчöм вайö  
Тіянлы бур.—

гижліс М. Н. Лебедев 1920-öд воясö нин. Сылөн уна стихотворение лои челядьлы радейтана сьыланкывъясöн («Гажа тулыс воис», «Велöдчöй, челядь» да мукöдъяс).

Уна стихотворение пöрины коми народнöй сьыланкывъясö («Коми му» да мукöдъяс).

М. Н. Лебедев аслас уна стихотворениеын бура петкöдліс коми мулысь суровöй, но мича природасö.

Сійö волнуйтчöмөн гижö коми вөръяс, муяс да юяс  
йылысь, налөн мичлун йылысь. Со, например, кыдзи  
петкөдлö поэт тулыс воём:

«Көдзыд лун-вой быри,  
Сылі еджыд лым,  
Юыс ваён тыри,  
Гымалö нин гым.  
Надзöникөн киссьö  
Муяс вылö зэр.  
Сулалö да мыссьö  
Зэрнас пемыд вөр».

(«Тулыс»).

Либö «Коми му» стихотворениеын Лебедев коми  
вөр йылысь висьталö тадзи:

...Вöрыс вывті-вывті уна,  
Сыысь унаыс оз төр.  
Аддза: сэні шыльыд пожöм  
Вылö лэптö ассьыс юр.  
Сылы öткодъ төв көть гожöм.  
Сэтшöм пуыс тайö бур.

Сöветскöй кадö писательлөн талантыс паськалö  
да быдмö, паськалö и сы гижöдъяслөн тематикаыс.  
Лебедев успешнöя заводитö гижны виль жанръясын:  
сійö гижö и драматическöй произведениеяс, и стихо-  
творениеяс, и рассказъяс, и поэмаяс, и басняяс.

1930 воясö М. Н. Лебедев аслас произведениеясын  
чуксалис народöс кулакъяслы да попъяслы паныд  
тыш вылö, петкөдліс, мый крестьянин водзын öти  
вернöй олан туй — колхознöй олём, да чуксалис найöс  
ёнмöдны колхозъяссö. Писатель сідзжö сералис быд-  
сяма нечестнöй йöз да лодырьяс вылын.

Тайö кадö М. Н. Лебедев уджалö и историческöй,  
и фольклорнöй темаяс вылын, но век жö медыджыд  
местасö сы творчествоын босьтö современнöй темати-  
ка, сöветскöй йöзлысь олём петкөдлём. Аслас произ-

ведениеясын писатель воспевайтö сöветскöй шуда  
олöм, сöветскöй йöзлысь чувствояссö да думъяссö:

Юр весьтаным дзирдалö  
Енэж вывсянь шондiыс,  
Шондi улас му вылын  
Дзоридзалан сад.

. . . . .  
Сиктысь сиктö ветлигөн  
Аддзан, кыдзи быдлаын  
Лöсьыда да гажаа  
Олö сиктса морт.

(«Колхознöй сиктын»).

Сöветскöй правительство вылö донъялис М. Н. Лебедевлысь литературнöй уджсö. 1939-öd воын сийöс вöли наградитöма «Знак почёта» орденөн.

Великöй Отечественнöй война дырйи поэт пунктö ассьыс став кужöмлунсö сы вылö, медым кыпöдны дух сöветскöй воинъяслысь, петкөдлö народлысь героизмсö. Сийö шуö:

Миян вöляным —  
Дзирдалан шондi.  
Сийöс кусöдны оз вермы враг.

М. Н. Лебедев гижис дзик медбөръя лунъясöдзыс. Бөръя стихотворениеясас сийö обличайтiс война öзтысь американскöй империалистъясöс, чуксалис уджалысь йöзöс тышкасьны став мирын мир вöсна, народъяслөн дружба да шуд вöсна.

М. Н. Лебедев творчество вылö русскöй литературалөн влияниеныс вöли зэв ыджыд. Уна произведениеяс сийö гижис Пушкин, Некрасов, Никитин, Кольцов, Лермонтов влияние улын. Налысь Лебедев велöдчис гижны прöстöй, гөгөрвоана кывйөн. Лебедев переведитiс коми кыв вылö русскöй писательяслысь уна произведение. Лебедев вылö сiдзжö ёна влияйтiс и устнöй народнöй творчество.

М. Н. Лебедев ветымын во сетiс радейтана да благороднöй уджлы — литература развивайтöмлы, велöдис

радейтны да уважайтны выль олём стрöитан труд, ра-  
дейтны Рöдинаос, сылысь замечательной йöзос, сы-  
лысь мича да озыр природаос. Сийö пöся сиис том  
йöзлы лоны образованнойон да удж радейтысьон.

Коми народ радейтö ассыс писательсö сыысь,  
мый сылön стихотворениеясыс быдönлы доступнойось,  
гөгөрвоанаось, гижöма найос прöстой народной кыв-  
йон. Та вöсна сöветской йöз вылö донъялöны М. Н. Ле-  
бедевлысь творчествосö.

М. Н. Лебедев кулис 73 арöсön, 1951 вося март  
5 лунö.

*Н. Тимушев.*

## КОМИ МУ

Коми му кузя ме муна,  
Гөгөр сулалө сьöd вөр.  
Вөрыс вывті-вывті уна,  
Сыысь унаыс оз төр.

Аддза: сэні шыльыд пожөм  
Вылө лэптө ассьыс юр.  
Сылы өткодь төв көть гожөм.  
Сэтшөм пуыс тайө бур.

Сэні быттьө пөрысь пөчө  
Дзормөм кыпөдчөма коз.  
Сійө увъяс костын вөчө  
Вөрса пөтка шоныд поз.

Сэні вашкөдчөны гора  
Пипу чойкөд еджыд кыдз,  
Мыйкө сёрнитөны нора,  
Корнас шенасьöны сідз.

Сэні сус пу гөгрөс бока,  
Сэні пелысь, сэні льөм.  
Тані бадьяс вөсни кока  
Вадор пөлөн уна эм.

Вөрыс помтөм. Туйыс көні?  
Зонмө, яг пиад эн вош.  
Аддза тані, аддза сәні,  
Біджыд тапикасьö ош.

Ветлө көин, пиньсö йирö,  
Корсьö аслыс кынөмпöt.  
Наян ручыс гуö пырö,  
Бурөн некодлы оз шед.

Көчыс дзедьсö лөпъяс сайö,  
Видзö асьыс дона юр.  
Öдйö-ödйö пуö кайö  
Паськыд бөжа ичöt ур.

Дозмөр пувсö зiля сейö,  
Гөгөр жуö сьöла, тар.  
Тури кокнас нюрсö лойö;  
Абу муса сылы ар.

Аддза: пищальөн, со, муно  
Сьöла кыйны коми морт.  
Гортса олөм сылөн вунö,  
Ылө кольöма нин горт.

Туйтөг öтнас ветлө сийö,  
Вөрын нинөмысь оз пов.  
Уна вөрса пötка кыйö,  
Уна зверлысь босьтö лов...

Муна водзö, муна ылö,  
Оз и помась пемыд вөр.  
Көнкө гора сёрни кылö,  
Бриньгö пила, клёнгö чер.

Аддза: сортовка кер лэдзö  
Том и пöрысь коми йöз,

Мича шпалсö зiля вöчö,  
Тэчö юяс дорö пес.

Вöла войтыр сэни жуö,  
Трактор муркöдчö лунтыр:  
Кыксё керйөн öтпыр нуö  
Гора шыөн ветлигтыр.

Оз кыв сэни видчöм, мургöм,  
Лёкысь горöдлöм оз кыв,  
Сöмын уджалысьлөн юргö  
Кыпыд, гажа сьыланкыв...

Паськыд туй вылö ме пета.  
Аддза: вежсис туйлөн сер,  
Кöть и важмоз шувгö сэтөн  
Кыкнан бокас пемыд вөр!

Бөр и водз пыр ветлö сэни  
Уна сё автомобиль,  
Вөлөн мунысьясöс венö,  
Быд лун локтö выльысь-выль...

Муна водзö... Тулыс воö.  
Лымйыс сылö, киссьö зэр.  
Кöдзыд йисö шондi сёйö  
Ойдö уналатi вөр.

Ваын сулалöны пуяс,  
Ваыс зеркалö кодь лөнъ.  
Эжва, Сыктив, коми юяс,  
Бытьö паськыд эзысь вөнъ.

Аддза: трактор мусö гөрö.  
Коми войтыр кöдзö нянь.

Тувсов уджсö быдөн керö.  
Жургөм тракторлөн оз ланьт.

Тайö трактор — абу дивö,  
Абу дивö — паськыд йөр:  
Йöзыс олö коллективөн,  
Лөк пу гөрйөн оз нин гөр...

Бара водзö, водзö муна.  
Гөгөр сулалö сьöd вөр.  
Вöрыс вывті-вывті уна,  
Сыысь унаыс оз төр.

## КОЛХОЗНОЙ СИКТЫН

Сиктысь сиктö ветлігөн  
Аддзан, кыдзи быдлаын  
Лөсьыда да гажаа  
Олö сиктса морт.  
Олö сійö сэтшöма,  
Кыдзи сійöс велöдіс,  
Кыдзи тшöктіс овнысö  
Дона Ленин ёрт.

Юр весьтаным дзирдалö  
Енэж вывсянь шондіыс,  
Шонді улас му вылын  
Дзоридзалан сад.  
Сиктса мортлөн сьölöмыс  
Долыдлунөн тырöма.  
Сиктса мортлы воöма  
Нимкодясян кад.

Петалан кө му вылö,  
Оз нин синмад шыбитчы  
Омöлик лёк вöв вылын  
Гöрысь да пу гөр.  
Трактор сэні муркөдчö,  
Багатыр моз уджалö,

Важся өтка олысь моз  
Му вылас оз дзор.

Кытшовтан кө видзьяссө  
Гожся страдна лунъясө,  
Ружтан шыа пессьомсө  
Он нин сэтысь кыв.  
Машинаөн ытшкөны,  
Машинаөн куртөны,  
Кыпыд лолөн сьылөны  
Гажа сьыланкыв.

Уджыс эз ло сьөкыдөн,  
Уджыс эз ло мустөмөн:  
Отув уджсө уджавны  
Позьö ворсигмоз.  
Мездіс сиктса войтырөс  
Нэмөвөйся гөльлунысь,  
Вайис няньсө, эмбурсө  
Миянлы колхоз.

Сикт кузяыс мунан кө,  
Аддзан, кыдзи сиктыслысь  
Сөветскöй култураыс  
Вежис чужөмбан:  
Быдлаын выль школаяс,  
Читальняяс, больничаяс,  
Клубъяс да магазинъяс —  
Быдтор аддзан тан.

Котөртөны школаө  
Сиктса йөзлөн челядьныс,  
Сералөны, дзольгөны  
Нимкодясигтыр.  
Ичөтысянь югыдлань  
Туйсө налы восьтөма,  
Некод оз ло на пиысь  
Важмоз пемыд мыр.

Кыпыд уджөн, зільомён  
Вольной Сөвет му вылын  
Ассыс шудсө ёнмөдө  
Быд колхозник ёрт.  
Дзормөм пөляс, пөчөяс  
Шензьёны да шуёны:  
«Они весиг томмөдчас  
Ми кодь пөрысь морт!»

## КУИМ ДРУГ

Геня, Славик да Серёжа,  
Куим школьник, куим друг  
Төндзи шулісны, мый некод  
Налысь дружбасө оз дзуг.

Отчыл мөдөдчисны найө,  
Гожся лунсө коллигмоз,  
Мөдлапөвса видзьяс вылө  
Вотны сэтөр либө оз.

Видзьяс вылын тайө кадө  
Некөн ловъя морт эз вөв.  
Сулаліс сэн уна зорөд,  
Ворсіс турун чирөн төв.

— Страдна эштіс, — шуис Геня. —  
Эз и кыссы сійө дыр.  
Эстөн, көні джуджыд сёныс,  
Юръяс кыскалі ме пыр.

— А ме курті, — кайтіс Славик, —  
Буретш тані, кывзы, Гень.  
Сыысь пасйисны колхозад  
Меным кызь кык трудодень.

— А ме талялі дас зорөд,  
Турун, төдөмысь, оз пөд,—  
Шуис ёртыслы Серёжа,  
Сэсся содтіс мунаи өд.

Өдйө восьлалісны водзө  
Куим школьник, куим друг.  
Зорөдъяссиянь налы паныд  
Төлыс вайис чөскыд дук.

Небесаын ломзис шонді,  
Би кодь югыд, би кодь гөрд,  
Жарөн лолалө да дзирднас  
Окалө став видзлысь эрд.

Славик индіс: — Эстысь, сёнсьыс,  
Озйыд сюрлывліс нин мем,  
А со сэні, васөдінас,  
Зэв уна сьөд сэтөр эм.

Геня сылы вочавидзис:  
— Медся муса меным оз.  
Сійөс зіля мөда вотны,  
Тырта чукйөн ассьым доз.

Юрнас пыркнитіс Серёжа:  
— Да и сэтөрыд зэв бур!  
Сійөс сакарөн кө пуан,  
Сыысь чөскыдыс оз сюр.

Тайө здукө омөль делө  
Казялісны куим друг:  
Өти зорөд йөрө пырис  
Уна мөс да уна кук.

Найө мутшкөны кос турун,  
Орөдөны зорөд кок.



А зэв дженъыдика налы  
Висьталіс, мый вöчны тан:

— Кывзы, Геня, öдйö-öдйö  
Гортö котöртлы тэ бөр,  
Пыр жö мортöс татчö вайöd  
Потшны тайö зорöd йөр.

А Серёжалөн да менам  
Тані öти лоас мог:  
Видзны скöтысь турун зорöd,  
Кытчöдз корём морт оз лок.

Сэтчö содтыштіс Серёжа:  
— Тэнад, Геня, кокыд чожд.  
Тöv моз лэбзьи! Аски вотчам!  
Сэтöрыд öд оз на вош...

Муніс Геня, а збой Славик  
Да Серёжа сэнi пыр  
Видзисны колхознöй турун  
Кыпыд песня сьылігтыр.

Коркö рытнас сэтчö воис  
Том колхозник, тэрыб зон,  
Сылөн уджыс регыд эштіс,  
Потшöс лоис ёнысь-ён.

Долыд вöлі куим друглы,  
Ворсіс сьöлöманыс би:  
— Мед көть сэтөр воттём лои,  
Зато зорöd видзим ми!

## ВАНЮК

Дзоля Ванюк эз на тӧдлы,  
Кутшӧм велӧдчӧмыд эм.  
Гортысь некытчӧ эз ветлы,  
Чайтис овны тадзи нэм.

Ӧтчыд мамыс сылы шуӧ:  
«Пасьтась, Ванюк, муса пи.  
Тэнӧ школаӧ ме нуа,  
Тшӧтш и мунам сэтчӧ ми».

Ванюк бӧрддзис, Ванюк  
повзис.

Сійӧ вывті вӧлі рам.  
«Со пӧ олӧм менам овсис!  
Кытчӧ нуӧ менӧ мам?»

Нинӧм тэныд, Ванюк,  
бӧрдны.

Омӧлинӧ тэ он сюр.  
Тэнӧ некытчӧ оз йӧртны,  
Тэныд югдӧдасны юр.

Тэныд велӧдчӧмыс колӧ,  
Кыдзи лэбачьяслы борд,  
Коді школаясӧ волӧ  
Сійӧ овлӧ шуда морт.

Сэтшӧм мортыд оз нин тӧдлы  
Пемыд олӧм, гажтӧм лун.  
Ванюк, велӧдчыны ветлы,  
Югыд туйӧд водзӧ мун!

## ШКОЛАҢ

Талун, вокöй, меным лои  
Мунны школа öшинь увті.  
Кор ме школа весьтö вои,  
Восьса öшинь водзö сувті.

Уна челядь вöлі сэні —  
Ставныс шаньöсь, шыльыд  
юра.

Ачыд тöдан, найö öні  
Овны велöдчöны бура.

Тöдан, вокöй, тайö школа  
Пемыд йöзлы — югыд шонді!  
Гажөн тыри менам лолöй,  
Кор ме кывзыны сэн понді.

Гижöм вöлі налөн муно:  
Быдөн кутö киас перö,  
Быдөн гижö мыйкö уна,  
Перö кокньыдика вөрö...

Сэсса велöдысьыс шуис:  
«Тöдны школьникъяслы колö,  
Кытысь лои-чужи муыс,  
Коді, көні кыдзи олö!»

Кутіс висьтавлыны сійö...  
Дыр ме сулалі да шензи.  
Татшöм тöлка морткөд, пиö,  
Ми вок, буракö, он вензьи!

Сэн ме кылі, вокöй, кыдзи  
Муыс шонді гөгөр ветлө.  
Ентөг артмөма пө сідзи.  
Енмөс ыдждөдлыны петлө!

Сэсса кылі, төдны понді:  
Көні лымйыс во чөж усьö,  
Көні би моз сотö шонді,  
Битөг сөянтөрйыс пусьö.

Көні эмөсь ыджыд карьяс;  
Көні миян моз оз овны;  
Көні озырьяс да царьяс  
Вирсö кисьтны оз на повны.

Унатор ме кылі, вокöй,  
Унатор ме төда öні.  
Эз и мудзлы эськө кокöй,  
Көть ме рытөдз олі сэні.

## ВЕЛОДЧОЙ, ЧЕЛЯДЬ

Велөдчөй, челядь,  
Югдөдөй юр.  
Велөдчөм вайо  
Тянлы бур.

Понданныд төдны  
Быдсяматор:  
Шондыс, муыс  
Лоома кор;

Гожөмын мыйла  
Гымалө гым;  
Ар бөрын кытысь  
Локталө лым;

Көдзтөггыс кыдзи  
Лэптысьө вөр;  
Кысь сәні лоо  
Пөтка да зверь;

Му вылын кутшөм  
Дивөяс эм;  
Мый вөсна йөзыс  
Уджалө нэм.

Понданныд төдны  
Омөль и бур.  
Велөдчөй, челядь,  
Югдөдөй юр!

## ВОГӨГӨРСЯ ОЛӨМ

### 1. ТУЛЫС

Заводитіс шонді  
Төвлысь вежны лад,  
Яра сотны пондіс.  
Воис тувсов кад.

Көдзыд лун-вой быри,  
Сыліс еджыд лым,  
Юыс ваөн тыри,  
Гымалө нин гым.

Надзөникөн киссьө  
Муяс вылө зэр.  
Сулалө да мыссьө  
Зэрнас пемыд вөр.

Нимкодясьө сэтөн  
Небыд коръя кыз.  
Мича турун петө,  
Вежөдөма видз.

Мөдлапöлын кылө  
Утка, дзодзөг, юсь.  
Колипкай нин сьылө,  
Колипкай оз узь.

Зіля гөрө-көдзө  
Муяссө колхоз.  
Трактор вылө пөчө  
Дзоргө шензигмоз.

Челядь котыр ворсö,  
Котралö лунтыр.  
Тувсов гажа горсö  
Кылан сәні дыр.

## 2. ГОЖӨМ

Вылö шондi кайö,  
Ёрö йöзлысь син.  
Жарыс сылөн вайö  
Мулы ыджыд вын.

Быдмö, йывмö йöрын  
Картупель да лук.  
Няньыс зэрöм бöрын  
Лэптысьöма сук.

Вöччöмаöсь пуяс,  
Паськөм налөн веж.  
Ляпкалöны юяс,  
Содö лыа бöж.

Видзьяс вылын пуö  
Уджыс лун и вой.  
Ытшкысь, куртысь жуö,  
Вына налөн сой.

Мича турун вöчö  
Öтувтчөм бур йöз,  
Зорödьясö тэчö —  
Пöтас вöv и мös.

Вöрын уна вотös:  
Мырпом, пув да чöд.  
Шондi найös сотö,  
Кисьмыштасны мед.

Няньыс быдмö, кайö,  
Сьöктö сылөн юр.  
Гожөм мортлы вайö  
Унапөлös бур.

### 3. AP

Шонді мыйкө дышмис,  
Чинтіс ассыс өд,  
Гожсямоз оз ышмы,  
Ыджыд жар оз сет.

Рудов кымөр чукөр  
Панлө сыкөд вен.  
Шонділөн гөрд югөр  
Вошлывлө нин сэн.

Мукөддырйи зэрө,  
Мукөддырйи — пуж.  
Видзөдлан кө йөрө,  
Градъясыд нин куш.

Колхозса бур войтыр  
Идралө выль нянь.  
Төждысян кө войдөр,  
Олом лоас шань.  
Рыныш дорын кылө  
Гора вартан шы.  
Лэптысьөма вылө  
Арся уджлөн гы.

Вартөм бөрын позьө  
Кыйны сьөла-ур,  
Зверкөд пырны косьө,  
Пищальыд кө бур.

Луныс көть и чинө,  
Няйтыс көть оз быр,  
Жугыльтчыны нинөм,  
Йөртөдыд кө тыр.

### 4. ТӨВ

Югыд шонді төдө:  
Эштис арся удж.  
Зэв нин сөрөн петө,  
Ветлө өти сутш.

Лэптысьö да лэччö,  
Кусö пырысь-пыр,  
Аски дыша чеччö,  
Узьö вывтi дыр.

Луныс быри, воши.  
Помтöм лои вой.

Локтiс еджыд тошка  
Кöдзыд, би кодъ збой.

Дорис юяс, шоръяс,  
Вöчис йиа пос,  
Чирсiс пулысь коръяс,  
Лои гөгөр кос.

Потшöс пöлөн тола  
Пукталö тövныр.

Шоныд сиктса школа  
Велöдчысьөн тыр.

Кöдзыдысь оз повзбы  
Ыж ку пася морт.

Керкаын оз овсьы,  
Дзескыд сылы горт.

Вөрö сiйö муно  
Лэдзны шпал да кер.

Тövся уджыс уна,  
Сöмын зiля вөр.

## ГАЖА ТУЛЫС ВОИС

Гажа тулыс воис.  
Гөгөр жургө шор.  
Шонді лымсө сөйис,  
Ловзис пулөн кор.  
Ю кузя йи кывтө —  
Тувсов ва оз узь.  
Югыд енэж вывті  
Лэбзьё дзодзөг, юсь.  
Гожом абу ылын.  
Эжа лои веж.  
Челядь вадор вылын  
Ворсёны лун чөж.  
Кодлы колө көдзны —  
Лөсьөдөны гөр,  
Весьшөрө оз жөдзны,  
Виччысьёны зэр.  
Пөрысь пөль мый керө?  
Сирён мавтө пыж.  
Шонді улын вөрө,  
Копыртөма мыш.  
Тулыс мортлы шуис:  
«Гажөдчы, бур вок!»  
Ылө-ылө нуис  
Сійө йөзлысь шог.

## МАМ И ЧЕЛЯДЬ

Коді челядь вöсна шогсьö,  
Челядь гөгөр зіля ноксьö,  
Видзö найöс вой и лун,  
Ылö на дінысь оз мун?

Налөн муса мамыс!

Коді на вöсна и олö,  
Найöс кывйөн дойдны полö  
Сетö чöскыд сёянтор,  
Аслыс водзöссö оз кор?

Налөн дона мамыс!

Челядь быдмöны кö бура,  
Оз кö лоны пемыд юра,  
Коді сэки медся рад,  
Оз и аддзыв гажтöм кад?

Налөн зарни мамыс!

Оз кö челядь шаня овны,  
Лёксö вöчны оз кö повны,  
Коді жугыльтчöма сэк,  
Быттьö арся луно кök?

Налөн коньөр мамыс.

## ИЧӨТ НЫВЛӨН СЫЛАНКЫВ

Мыйла нө оз кывсыы  
Ичөт нывлөн гөлөс?  
Сыланкывсө сійө  
Төдө унапөлөс.

«Кывзөй,— сійө шуис:—  
Заводита сывны!»  
Ылө-ылө кутіс  
Гөлөс сылөн кывны:

«Гажа садйысь локті,  
Котөрти ме өні.  
Гөрдөдөма, кисьмө  
Чөскыд өмидз сәні.

Ловзьөдісны сійөс  
Зэр да югыд шонді.  
Жугыльтчыны арөдз  
Сійө оз нин понды!..»

Ланьтіс, эз кут кывны  
Гөлөс ичөт нывлөн.  
Матіник и вөлі  
Помыс сыланкывлөн.

## МОЙДОМ

Төвся войын өшинь сайын  
Көдзыд войтөв жургө.

Мыйкө сьылө, мыйкө горзө,  
Код вылө кө мургө.

Шоныд паччөр вылын челядь  
Көдзыдысь оз повны.

Пөрысь пөчкөд, муса пөчкөд,  
Лөсьыд налы овны.

Пөчыс чуня кепысь кыө,  
Ассьыс уджсө вөчө.

Эз на некор прөста пукав  
Паччөр вылын пөчө.

Челядь видзөдөны, кыдзи  
Пөчлөн уджыс содө.

Өти шуө: «Кузь на войыс.  
Огө на ми водө».

Мөдыс шуө: «Кепысь кыан,  
Муса бабөй, пукты.

Сэсса шойччигмозыд мойдышт,  
Уджавнытө дугды».

«Мойдышт, мойдышт, муса  
бабөй!—

Коймөд-нөльөд горзө.—

Зіля кывзыны ми кутам

Тэнсьыд мойданторсө».

Пуктіс пöчö кепысь кыан.  
Мый нö накöд керны?  
Челядь виччысьöны мойдöм,  
Ку пытшкö оз тöрны.

«Мойда, мойда, — пöчö  
шуö: —

Пукалöй да кывзöй:  
Ичöt Сашö, ичöt Машö,  
Ланьтöй, энö чивзöй!»

Паччöр вылын челядь  
ланьтіс.

Пöчлөн гөлöс кылö.  
Мойдö сійö, кыдзи вöрын  
Ручыс олö-вылö.

Кыдзи ошкöд мужик-мортыс  
Öтув сёркни кöдзис.

Кыдзи көнкö зарни чери  
Ыджыд дивö вöчис...

Пöчлөн уна мойданкывйыс.  
Помыс налөн ылын.  
Лöсьыд челядьыслы овны  
Шоныд паччöр вылын.

Öшинь сайын кöдзыд вой тöv  
Ёнджыка на жургö.  
Пырны керкаö оз вермы,  
Сы вöсна и мургö.

## СЁРКНИ

Көдзис пөльö сёркни,  
Быдмис сёркни ыджыд,  
Сэтшөм ыджыд сёркни,  
Кутшөм эз на вөвлы.  
Сёркни пөльö кыскö —  
Кыскыны оз вермы!

Пөрысь пөчөс пөльö  
Отсөг вылö корö.  
Воис пөрысь пөчö  
Отсөг вылö пөльлы.  
Кыскöны нин кыкөн —  
Сёркни оз и вөрзьи!

Корис сэки пөчö  
Нывлысь ичөт нывсö.  
Тильсьöны зэв зiля  
Ыджыд сёркни гөгөр.  
Оз и вөрзьи сёркни,  
Куимлы оз сетчы!

Нывлөн ичөт нылыс  
Корис сэки понсö.  
Кутчысисны нельөн  
Öти сёркни корйö.

Сёркни вылө налөн  
Оз на судзсы вынныс!

Понйыс сэки корис  
Отсөг вылө каньсө.  
Надзөникөн локтіс  
Шыльыд юра Машук.  
Мырсьоны нин витөн —  
Оз на кыпты сёркни!

Ветліс сэки каньыс  
Рыныш дорө шырла.  
Шыркөд сэки лои  
Сёркни перйысь квайтөн,  
Шыркөд налөн вынныс  
Бура уна содіс.

Кутчысьёма пөльыс,  
Кутчысьёма пөчыс,  
Кутчысьёма нылыс,  
Кутчысьёма понйыс,  
Кутчысьёма каньыс,  
Кутчысьёма шырыс,  
Кутчысисны квайтөн —  
Нетшыштісны сёркни.

## МЕДСЯ ИЧӨТ ЗВЕРЬ

«Сьökыд менам олөм,—  
Шуис өтчыд көч.—  
Некод меным бурсö  
Коньөрлы оз вöч.

Ручыс менö сейö,  
Кыйö менö морт.  
Ог ме весиг тöдлы  
Ассьым шоныд горт.

Вөръясын ме коньөр,  
Медся ичөт зверь.  
Меысь, позьö шуны,  
Ичөтыс оз төр.

Татшөм сьökыд олөм  
Абу выя нянь.  
Муна ваö пыра,  
Мучитчыныд шань!»

Синва көчлөн киссьö,  
Мөвпыс абу бур.  
Мунö сийö ваö  
Суйны ассьыс юр.

Кыркөтш дорас сэки  
Пукалөма шыр.  
Повзис сийö көчысь,  
Пышйис пырысь-пыр.

Шырлысь пышйом аддзис  
Көчлөн гөгрөс син,  
Долыд лои көчлы,  
Соді сылөн вын.

«Эм на тай, со,— шуө,—  
Меысь ичөт зверь.  
Позьё на мем овны,  
Бергөдча ме бөр!»

Косьмис көчлөн синва.  
Ваө көч эз пыр:  
Медся ичөт зверыд  
Вөлөма тай шыр!

## ЗЫБКАДОРСА СЫЛАНКЫВ

Öввö, öввö, ичöt пиöй,  
Сьöлöмшöрöй, узь!  
Пемыд войысь нинöм повны,  
Войыс абу кузь.  
Асья кья бöрын лоас  
Бара гажа лун.  
Зыбка дорысь тэнад мамыд  
Некытчö оз мун.  
Ог ме дона пиöс эновт,  
Некодлы ог сет.  
Менам зарни, мича кага  
Бура узяс мед!  
Эзысь лэптысьöма тöлысь,  
Быттьö еджыд юсь...  
Öввö, öввö, муса пиöй,  
Сьöлöмшöрöй, узь!  
Понда висьтавны ме тэныд  
Уна-унатор:  
Мыйла, кыдзи тэнад батыд  
Томön лоис дзор;  
Мыйла уджалігас сійö  
Шойччөгсö оз тöд;  
Кыдзи усьтöдз сійö тільсис,  
Сöмын эз вöв пöt.

Сэки уджалысьыс вöлі  
Медся ичöt морт.  
Сэки уджалысьлөн вöлі  
Кöрталöма борд.  
Öнi олöм миян вежсис,  
Батьыд лои сюсь...  
Öввö, öввö, дона пиöй,  
Сьöлöмшöрöй, узь!  
Коркö быдман, пондан тöдны  
Öнъя оласног.  
Öтув сиктсаяскöд овны  
Лоас тэнад мог.  
Тöлысь кисьтö эзысь югөр,  
Пышйö пемыд вой.  
Öнi тэнö, ичöt кага,  
Бубуля оз сөй.  
Нинöм повны, кöть и буксö  
Войшöр-войын сюзь.  
Öввö, öввö, зарни пиöй,  
Сьöлöмшöрöй, узь!

---



50 к.